


Bibël për fëmijët paraqet

Jezusi Mësuesi i Madh



Shkruar nga: Edward Hughes
Ilustruar nga: Byron Unger; Lazarus
Adaptuar nga: E. Frischbutter; Sarah S.
Përkthyer nga: Arianit Iljazi
Alastair Paterson
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1



Jezusi ishte
një mësues i madh - më
i miri nga të gjithë. Turmat e
dëgjonin Atë. Jezusi u mësoi
atyre, të jenë të mëshirshëm,
të mirë dhe të dashur.

2



Të tjerët mbase do ti urrenin ose dëmtonin, por Perëndia do kujdesej për ta.

3



Jezusi u mësonte shumë gjëra atyre. Ai tha, se njerëzit e Perëndisë e ndriçojnë botën, porsì një llambë e ndezur ndriçon një shtëpi. O, sa ndryshim të madh bën një llambë e ndezur në një dhomë të errët.

4



Njerëzit të cilëve u fliste Jezusi, besonin në hakmarrje, "Sy për sy, e dhëmb për dhëmb". Por Jezusi u mësonte mirësinë, faljen dhe dashurinë; madje edhe ndaj armiqve.

5



Në ditët e Jezusit, disa njerëz hiqeshin si shumë të shenjtë. Kur ata u jepnin lëmshë lypsarëve, ata vinin dikë përpara tyre ti binte trumpetës që gjithkush të shikonte. "Jepni lëmshën në fshehtësi,

dhe Perëndia do t'ju shpërblejë" tha Jezusi.

6



Jezusi u mësoi të njëjtën gjë rreth lutjes. Disa njerëz luteshin në cepat e rrugëve plot njerëz, që gjithkush ti shihte e dëgjonte.

7



Jezusi përdori shpesh natyrën për të shpjeguar mësimet e Tij. Për shembull, Ai tregoi me gisht zogjtë. "Ati juaj qiellor i ushqen ata", tha Ai. "Mos u shqetësoni, Perëndia do t'ju ushqejë edhe ju".


8

"Madje edhe mbreti i pasur Salomon, nuk ishte i veshur kaq bukur sa zambakët e fushës" vazhdoi Jezusi. "Nëse Perëndia, vesh kështu barin e fushave, a nuk do t'ju veshë Ai edhe ju gjithashtu"?!"



9

"Nëse gjykon vëllanë tënd, është sikur të duash të heqësh lëmishten nga syri i vëllait tënd, kur ti ke vetë një tra të madh në sy".



10

Jezusi tha që njerëzit duhet ti kërkojnë Perëndisë ndihmë. A u japin baballarët tokësorë një copë gur fëmijëve të tyre, kur këta të fundit janë të uritur? JO! Ata u japin gjëra të mira. Aq më shumë Perëndia u jep gjëra të mira atyre që i kërkojnë Atij.



11

Jezusi, mësuesi i madh, na ka paralajmëruar kundër mësuesve të rremë "Ata vishen si dele", tha Jezusi. "Por brenda, ata janë ujçër"! Ai tha se mësuesit e rremë do ti njohim nga mënyra se si jetojnë.




12

Jezusi, në një histori që tregoi, u tha njerëzve se ata që i binden Fjalës së Perëndisë, janë si ai njeriu që e ndërtoi shtëpinë e tij mbi shkëmb. Një stuhë e tmerrshme filloi. Kur stuhia mbaroi, shtëpia qëndroi e palëkundur.



13

Por, një njeri budalla e ndërtoi shtëpinë e tij mbi rërë. Kur stuhia vërshoi mbi atë shtëpi, ajo u shkatërrua plotësisht për shkak të themelit të dobët. Jezusi tha se si ai njeri, janë ata që nuk i binden Fjalës së Perëndisë.



14

Turmat mrekulloheshin prej fjalëve të Jezusit. Ata, nuk kishin dëgjuar gjëra të tilla më parë. Tani, ata e dinin që nuk ishte e mjaftueshme vetëm ta dëgjoje Fjalën e Perëndisë. Si ata po ashtu edhe ne duhet ti bindemi kësaj Fjale, çdo ditë.



15

Jezusi Mësuesi i Madh

Një tregim nga Fjala e Perëndisë, Bibla

e marrë nga

Mateut 5-7, Llukës 6

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

16

Fund

42



60

17

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëj atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

18